

Den un mercado dificil cu interes abou y tasa di inversion instabil, APFA a logra mantene un posicion fuerte den 2016. E fondo di pensioen a cuminsa 2017 hopi bon y a tuma paso importante pa futuro door di ahusta e basenan pa expectativa di bida di e participantenan y e interes actuarial.

NPR 2014	28 di februari 2017	31 di december 2016	31 di december 2015
Capital di pensioen	Afl. 2.699 miyon	Afl. 2.669 miyon	Afl. 2.561 miyon
Provision obligacion di pensioen	Afl. 2.567 miyon	Afl. 2.561 miyon	Afl. 2.481 miyon
Grado di cobertura bruto	105,1%	104,2%	103,2%
Grado di cobertura netto	96,6%	96,1%	95,4%
Prima di pensioen	16,8%	16,6%	16,8%
Participante	6.768	6.715	6.636
Ex-participante	792	746	492
Pensionado	4.019	4.027	3.961

Posicion financiero

E posicion financiero di e fondo a mehora na 2016 y den e prome lunanan di 2017: e grado di cobertura bruto a subi na 2016 te 104,2% y a sigui subi den e prome dos lunanan di 2017 te 105,1%. Esaki kiermen cu e capital di e fondo ta suficiente pa cubri tur su obligacionnan di pensioen. E grado di cobertura netto, cu ta inclui e reserva rekeri door di Banco Central di Aruba, sinembargo ainda ta bou di 100%. Pa e motibo aki e plan di recuperacion ainda ta valido. Segun prognostico den e plan di recuperacion, APFA ta spera di yega e cobertura netto di 100% den tres pa cuater aña. Den 2016 y e prome lunanan di 2017 e fondo a logra recupera apesar di a ahusta e basenan pa expectativa di bida y interes actuarial. A pesar di e resultado positivo di e periodo anterior, directiva di APFA ta keda cauteloso pasobra e mercado ta keda volatil.

Desaroyo riba mercado

E capital di pensioen, cu na 2016 a subi compara cu 2015, a sigui subi den e prome lunanan di 2017. E aumento aki ta principalmente danki na e resultadonan di inversion positivo. Na 2016 APFA a logra un rendimiento di 6,2% riba e portafolio di inversion internacional. Tur e categorianan di inversion den exterior a realiza un rendimiento positivo, pero mas bien e accionnan a duna e mihor resultado. E rendimiento riba e inversionnan local tabata 5,5% na 2016. E likides grandi riba e mercado local y e poco posibilidadnan di inversion ta keda tin un efecto negativo riba e rendimiento di e portafolio di inversion local.

Tene cuenta cu un expectativa di bida mas halto

Un factor hopi importante cu APFA mester tene cuenta cu ne pa por cubri pensioen pa bida largo, ta e expectativa di bida promedio. Pa maneha esaki APFA ta usa e asina yama tabel di mortalidad. Esakinan ta indica con largo ta spera cu un persona di cierto edad lo sigui bida. APFA no solamente ta tene cuenta cu e expectativa di bida di e poblacion di Aruba en general pero tambe cu posibel desviacion riba esaki den su propio participantenan. Entrante 2016 APFA a actualisa su estudio di supervivencia ya cu ta premira cu den futuro e expectativa di bida lo aumenta. E ahuste di e basenan aki door di APFA tin un efecto negativo riba e grado di cobertura di 1,6%. E ahuste aki ta inclui caba den e grado di cobertura bruto y netto na final di 2016 rapporta akiriba.

Interes actuarial realistico pa rendimiento premira

Un di dos factor importante pa establece kico ta necesario pa por paga un pensioen pa bida largo ta e interes actuarial. Un fondo di pensioen mester tene cuenta cu e rendimentionan cu e por realiza riba inversion. Mester calcula e rendimiento aki cuidadosamente. E rendimiento premira cu APFA ta usa pa su calculacionnan yama interes actuarial. A base di e stipulacionnan di Banco Central di Aruba, APFA a desaroya un modelo pa calcula e interes actuarial pa e portafolio di inversion local y internacional. Esaki ta encera cu pa e pensioen di e participantenan kendenan tin un indexacion condicional, e interes actuarial ta maximo 4%. Pa e pensioen di e participantenan kendenan no tin indexacion, entrante 2016 a baha e interes actuarial di 4,75% pa 4,5%. APFA ta di opinion cu esaki ta un calculacion mas realistico di e futuro rendimentionan riba inversion. E reduccion di e interes actuarial ta haci cu e grado di cobertura ta baha cu mas o menos 0,8%. E efecto aki tambe ta inclui den e grado di cobertura bruto y netto na final di 2016 rapporta akiriba.

Pa mas informacion subi nos website www.apfaruba.org



Expectativa di bida

Interes actuarial